

豫章叢書

第八冊

卷之四

丁巳仲秋
于南冒退廬

萬厯丙午先生設帳石堦古剎距府君齋止半里許
兩人遞叅立秘商略山水稱道契云余時尙孩越天
啟丙寅余見知當湖薛黼臣老師優擢首之值先生
來羊城府君命予執蒞於門先生見而奇焉謂府君
曰最友奇兒當序傳之授以生平得意之書券易苞
其一也先生謂予曰河洛圖演券易苞上集余久箚
之下集爲某某易名圖券苞符板鏤于室弗逮行世
懼余別白之也予爲余校訂第次敷悉尾源以付剞
劂奈余以得失濁神榮辱焚心幾廿年最後爲同人
久假弗歸先生之志未遽表暴先生之命未遽遵仍

蓋有以也茲者羈繫旣解痴迷頓豁因思先生生平
論文動稱子厚竟以柳州刺史家焉終焉烏知章柳
州不爲柳柳州之更生乎余合上下兩集統以故名
校前後篇目分其卷例覺是書之精誠輝映二曜是
書之氣魄貫徹三才賈董讓席班馬齊驅矣夫以上
空千世下空千世厥量巍然者而腐儒淺學祇忌口
之舌津附和纖詭用以掩跡蒙朽蓋形疎薄不度眼
前道理言之裕如竟日萬思不克一副談何容易燕
雀非鴻鵠鵠鴟罵鳳凰多見其不知量也其何傷於
日月乎先生之量譽之弗增毀之弗減以罵長價以


莫察豈非道邈用表乖之數跡乎然而斯道隱微玄
奧難原不限局以疑遠不拘玄以妨素雖形象易簡
而事有可詳物類隨紛而取貴能約非變化之無常
而典要之難據乎予學不迫人志存希古私心未盡
思揚采于著書名理自期欲殫精于玄漠輒自忘其
鄙殆托彼鉛槧以爲問道存乎其人觀物必造其質
因累歲月著爲易苞不敢謂義文周孔之道接其原
流或庶幾於畫前繫表之傳弘其端緒所謂涓滴之
流少冀助深於巨壑螢磷之微妄希增輝於太陽矣
萬厯己未夏章世純大力氏自序

原夫兩儀未判神已隱於無言三才既分道卽藏於形際於是天苞地符理自冥吐龜呈馬負道煥微祥位數各分悉窮天地之情陰陽混淆克備剛柔之體萬象於此效法一元藉是露眞實太極之胎祖鼓舞財成爲羣有之著龜知來藏往是以羲皇畫卦雖得之仰觀俯察之餘而孔聖繫辭實指夫天一地二之數雖卦之紀綱略備於周彖而象之稱取尤始於河圖是故鴻篇名理固欲旁求而探賾索隱無宜獨廢玄秘旣開想路遐通談河已注疑關洞啟故學而不講往運所憂講而不精來葉通弊也若乃徒精爻象

之間就思象辭之內必致遠離道本乖舛玄宗童而習之白首奚哲豈非昧易理之致失神明之由者哉予澡髮讀書便懷象數明經之暇徧搜易說研窮觀玩無舍寸陰是知奇偶者百家之統紀萬象之胚胎也乃八卦於此取象四營於是倚數取而配之頗各有當凡其雷風山澤之象健順動止之德以至於天經地緯禮樂性命歷律著策近取遠來莫不依於其數引伸觸長莫不本于其理故知與物冥者羣物所不能離退藏密者吉凶所與同患若夫探抽冥蹟參驗人區近推形算遠出天外使由之而不知習焉而


非益神使盡知之盡寶之奚足以明先生之大奚足以明先生之奧哉河圖演說三卷洛書演說一卷撰著說一卷凡五卷上也易卦本於河圖三卷著法本於河圖一卷天文本於河圖一卷金丹本於河圖二卷律呂本於河圖一卷凡七卷下也共一十二卷統名券易苞他如己未留饒子正刻之四書留富西齋刻之治平要略天長學署刻之惟耳囊易稗詩經留序記雜文等暨是書尙有待於天地間不遽洩不輕洩藏形見光終非匣中物矣昔丁酉歲孟秋望日臨川李閔友之題

河圖數涵後天卦位



河圖圓象天
 天包地地交
 天合觀陰陽
 一六三八二
 七四九運於
 四方五十居
 中所謂圓涵
 方也

洛書數涵先天八卦



洛書方象地
地承天合觀
奇偶二四六
八列於四隅
一三九七居
四正五運於
中所謂方涵
圓也

券易苞目錄

上集

卷一

河圖演說

一六三八

卷二

河圖演說

五十二七四九

卷三

河圖總說

卷四

洛書演說

卷五

揲著說

下集

卷六

易卦本於河圖

易	八卦	方	所	三畫	八卦
重卦	卦主	中	卦主	卦應	太極
當位	中	承	乘		
不中					

卷七

易卦本於河圖

乾	坤	漸	需	泰	否
蒙	師	漸	履		
屯	困				
謹	徵				

卷八

著法本於河圖

著成數

四營

三變

卷九

天文本於河圖

中宮
西北
干支

東
北
五星

南
雲漢
四時

卷十

金丹本於河圖

一靈真性
神出
天藥
五陽

陰神
探藥
地府
五陰

性命
衆生
火候
中界

出陽

卷十一

金丹本於河圖

上藥三品 元神精氣
精神元氣 精生氣
三五一家

卷十二

律呂本於河圖

律原 音律

券易苞目錄終

勞易苞卷一

臨川 章世純大力甫著

河圖演說

天五中知地十全能一三陽出二四陰入神矣故天之象也地之體也日月四時之紀也人之行也物之則也天地之間備矣君子以是天乎天而知其知地乎地而能其能神乎神而靈其靈人乎人而情其情河圖之數一三五七九爲陽二四六八十爲陰陽之位序一在北三在東五在中七在南九在西陰之位序二在南四在西六在北八在東十在中其分布四

方又有內外焉陽五居內一三三四數在五內者亦居四方之內陰十居外六八七九數在十內者亦居四方之外內者數少外者數多內者初生外者既盛內者主外者顯也

其相因之勢則一與三連二與四連自爲類序也其相對之形則北與南偶東與西偶數相差等也

自五而前陽居其先一先於二三先於四也自五而後陽居其多七多於六九多於八也蓋惟置五於中故先於位而又能饒於數自五而前一二三四陽之陰巖陰之初生常大於陽也自五而後六七八九陰